

濟煉全科

7

十方靈寶三界諸天神光普照
燭無邊四生出九泉六道消
冤十類早昇遷

大慈


大悲愍眾生

至道

至仁濟寒食

相好

光明本自然



一
眾等志心皈命禮
仰啟青華救苦尊
青華長樂妙嚴宮
紫霧祥光徹太空
千朶蓮花映寶座
九頭獅子出雲中

南極丹臺開寶笈
北都玄範破羅鄴
惟願天尊來救苦
衆等稽首禮慈容

主白

雲錦囊中八色鮮

光明神咒闡靈篇
誦持一徧無輪轉
克致群真降法筵

主舉

香雲達信天尊

主白

伏以高高碧落惟至誠可以感
通渺渺黃泉獨精虔而能洞
格此時氣寧景靜夜永更闌
伏茲一稔之真香逕達諸天
之寶闕傳香有偈衆口宣揚

衆和

道由心學心假香傳香熱玉爐
心存帝前真靈下盼仙旆臨
軒令臣闕告逕達九天大聖
香雲浮蓋大天尊香雲浮蓋
大天尊

神水蕩穢天尊

朝禮登寶座天尊大天尊

至台

伏以水德潤下利萬物而不爭
海以朝宗會百川而並至貝闕
香扶桑之澳星槎通天漢之津


呼吸者氣靈通者神虛無者道
感格者誠以今恭遵道旨謹按
玄科修設靈寶鍊度超幽施食
一堂敬持一盃之泔水洒除六
合之穢氛道衆虔誠宜揚密咒
蕩除陰濁務令陽和解穢靈童

眾當持誦

眾誦

天地自然穢氣分散洞中立虛
晃朗太元八方威神使我自然
靈寶符命普告九天乾羅怛那
洞罡太元斬妖縛邪度鬼萬千
中山神咒元始玉文持誦一遍
度鬼延年按行五嶽八海知聞
魔王束手侍衛我軒凶穢消蕩
道炁長存急急如律令

常清常靜天尊



太上大道君
寶光真童子
悲哉苦魂衆
二十四門戶
明燈照長夜

位列無阿香
下履九幽房
拔度痛悲傷
咸令聞寶香
永消黑簿殃

大慈大悲尋聲救苦無上天尊



大慈大悲尋聲救苦無上天尊



大慈大悲尋

聲救苦無上天尊


爐炭鑊湯煙滅盡

刀山劍樹悉推鋒

冤家債主總離身

餓鬼窮魂皆解脫

結滯冤愆增地獄



大慈大悲尋聲救苦無上天尊

回心向善即天堂
至尊威力不思議
願降慈光來接引



金爐纔熟返魂香
碧落空歌聲韻長



聖號一聞金闕下
幽關咸覩玉毫光
三途五苦離長夜
十類孤魂赴道場
享此無邊甘露味
自然熱惱化清涼

慈尊弘慧力

道法廣無邊

欲度幽魂苦

丹誠達九天

傳誠達惻天尊

主請

太上無極大道金冊寶籙混元
紫府選仙上品秉東華演教

叨行科範事臣某誠惶誠恐
稽首頓首俯拜焚香上啟
清微天天寶君
禹餘天靈寶君
大赤天神寶君
四御四皇上帝

太乙救苦天尊青玄上帝
九幽拔罪天尊
十方救苦天尊
黃華蕩形天尊
火煉丹界天尊
大慈救苦真人

三寶九華真人
九幽度生真人
救苦會中無鞅真聖
五靈五老上帝
九天生神上帝
諸天上聖瓊闕高真

上清十一大曜星君
南宸北斗陶魂鑄魄星君
至真朱君丈人
好生韓君丈人
度人不死之君
回骸起死大神

三元三品三官大帝

北極四聖真君

靈寶五師上帝

祭煉教主太極左宮仙翁

歷代傳宗演派古今得道師真

九天朝元真宰

天曹主職仙卿

上清天醫院監生司馬主宰威

靈

靈寶法中官將

神虎追攝吏兵

五嶽五天聖帝

諸副佐命真君

嶽府官僚諸司曹屬

水府扶桑丹霞大帝水卿較錄

真仙

北陰酆都大帝

冥府十殿慈仁真君

顯應崔判府

五道大將軍

獄地水府執掌亡魂諸案王者

九幽諸獄都司王者

酆都平鹽諸獄冥官

引領亡魂往來使者

泰山沿路千係等神

本境城隍主者

當坊土地正神

冥陽主職一切威靈共降無私

同垂有鑒

朝禮降臨來天尊大天尊

主

臣

聞紫清闡教開八門而拯濟
沉淪碧落傳經設九煉而生
成品類寶珠懸黍粦明黎土
之中玉篆垂芒炳煥琅霄之
上諸天諸地同證良因九壘

九幽俱聞妙道臣
謬承師訓忝
列立綱傳仙翁
度死之符廣
太上好生之德
倘功不替進職
可期凡有投誠
敢不敷奏臣
今依科修建追
幽法事一壇
拯濟寒林超凌
魂爽伏望散

三華之鬱秀運四象之虛圓
度命金符混合一中之妙遷
神白簡陶鎔九品之功曾惠
有情度人無量恭望

洪慈曲垂洞鑒

衆和

道筵海會鬱羅蕭臺金童玉女
兩邊排香花滿金階賜福消
災衆聖降臨來

主舉

高眞寶座天尊

主白

八

高真降駕衆聖臨軒所有凡儀
用申上獻

真陽鼎裏烝徘徊
升降中黃密往來
更從太乙存三一
通感群真上玉階

字擁出香天姪一大慈悲放
光明上二手印合妙香下二
手願如相交吽啞啞吽唵嘛
呢吽香猷慈尊御座傍惟願
神恩欣納受我今稽首香供

一炷返魂香上達鈞天彌六合
下周九地遍十方頂禮獻虛
皇成寶幢呈瑞沘中王拔度
三途冤業黨免教陰府受災
殃亡者早生方青鸞降接引
返仙鄉祭主今將香供僊超

凌魂爽上天堂瞻禮拜元皇
慈恩廣

流潏池中太寶蓮

花開十丈藕如船

接來插向甌中猷

無極真人笑語諠

道字擁出花天姪一大慈悲放
光明上二手印合妙花下二
手願如相交吽啞啞吽唵嘛
呢吽花獻慈尊御座傍惟願
神恩欣納受我今稽首花供
養

燦爛艷重重玉蕊金葩仙苑種
時時綽約自青葱片片舞春
風陽氣動薰沐禮金容拜獻
諸天真聖眾存亡頂禮謝蒼
穹亡者仗陶鎔虔拜奉接引
送仙宮祭主虔誠花作供超

凌魂爽脫凡籠隨簡上南宮
乘彩鳳

黍米空懸皓月精
群真羅列耀金嬰
天人灌沐知何代
惟見玻璃透體明

道字擁出燈天姪一大慈悲放
光明上二手印合妙燈下二
手願如相交吽啞啞吽噯嘛
呢吽燈獻慈尊御座傍惟願
神恩欣納受我今稽首燈供
儀

照耀出寒庭常献虚無真聖境
呈祥献瑞綻珠璣灼灼透幽
冥青光映慧燭滿天星照破
昏衢離黑暗影開泉路悉光
明瞻禮謝虚靈離苦青亡者
返蓬瀛宗主將燈虔奉敬超

凌魂爽上天庭飛步謁神京
飯本性

三華聚結吐芳英
萬聖千真繼體成
馨香妙有呈奇供
滿酌金盃獻上清

道字擁出水天姥一大慈悲放
光明上二手印合妙水下二
手願如相交吽啞啞吽唵嘛
呢吽水獻慈尊御座傍惟願
神恩欣納受我今稽首水供
儂

太乙自然精下沛甘泉滋物命
上騰法雨洒幽靈熱惱得康
寧還清淨氣液兩相成潤益
枯焦隨感應滌除冤結復真
形神氣自充盈通風命鍊度
出寒庭且酌甘泉申祝慶超

凌魂爽脫幽冥飯命禮三清
朝上聖

地居天下接雲虛
萬象森羅遍八區
功用要知栽植處
琼林仙果慶瑤池

道字擁出果天姥一大慈悲放
光明上二手印合妙果下二
手願如相交呬啞啞呬啞嘛
呢呬果獻慈尊御座傍惟願
神恩欣納受我今稽首果供
養

黍米一珠懸非白非青顏莫辨
結從象蒂未生先奉獻衆真
前求拔薦拔度出寒泉上願
先靈超福慶下祈亡者脫縈
牽接引上丹天承度鍊沉滯
早昇遷仙果今朝虔奉獻超

凌魂爽性明圓聽法語玄玄
成上善

五畎皆圓滿

奉上聖真前

志心求懺悔

亡者早生天

向來葵藿之慙諒蒙鑒格今者
香花羅列鍊度將行具有起

虔意文謹當敷奏

宣意

情惻已露聰聽必聞諒沐慈恩
曲垂允納

稽首皈依救苦慈容東華妙嚴
宮運廣慈心重發弘誓願度

脫凡朦慈尊寶冠九品蓮花
主玲瓏尋聲救苦三途八難
扭械枷鎖化作清風楊枝手
內時時洒一滴甘露在魂爽
喉中惟願今宵來赴會度幽
靈上往上往南宮

主舉

玉皇赦罪天尊



虛靈妙相最裝嚴
手握楊枝坐寶蓮
玉女持幢隨御輦
金童捧節下高天



口宜白簡開溟漠
法飾慈雲偏大千
萬善至真登寶座
威光直接斗牛邊

伏以冥冥長夜鎖銅關石壁之
囚黯黯泉臺列鉄壘河沙之

獄。雨露之恩莫及日月之照。
勿臨霜寒劒戟之鋒電激火
車之焰確磴之聲慘地鼎鑊
之氣熏天冰雹侵凌風雷震
懼如斯苦趣莫可明言非憑
太上之慈光曷啟重陰之幽閉

謹持密咒用破冥關

衆和

茫茫酆都中

重重金剛山

靈寶無量光

洞照炎池煩

九幽諸罪魂


身隨香雲旛

定慧青蓮花

上生神永安

羅漢開

功德金色光



微微開幽暗

華池流真香

仙靈衆元和

急宣靈寶旨

寒庭多悲苦

女青靈寶符

蓮蓋隨雲浮

長居十二樓

自在天堂遊

回心禮元皇

中山真帝書

一念昇太清

再念歸太無

主舉

旋旋生紫微

大羅三寶天尊

主台

伏以有生必有死乃循環不息

之機無始亦無終總輪迴自
然之理生也若浮雲之乍聚
死今似石火之難留紛然六
賊之相攘遂使初真之易失
一息勿順四大皆空精神下
入於黃泉形體相縈於蔓草

夜漏長兮山寂月色淡兮露
明木葉飛兮風更作猿聲哀
兮雨更淒終抱沉淪之苦莫
知昇躋之期以今恭啟蘭場
敷陳蒲供吊今古賢愚之衆
追遐邇貴賤之魂白楊殘月


照青邱衰草亂雲迷玉骨不
論無依有主悉皆聞召以來
臨本壇焚香上請

神虎何喬二大元帥三部追魂
使者冥陽五道將軍倒生立
司七真玉女桓劉吳魯四大

將軍火急普召三途九野六
道四生一切幽魂滯魄願承
三寶力出離九幽扃法界慈悲
恭行攝召追魂文牒仰對敷
宣

宣牒

依此振鈴三彌召請
九幽十類悉遙聞
仗承經師實力加持
此夜今時來赴會



主舉

慈光接引天尊

舉和

太微回黃旗

無英命靈旂

攝召長夜府

開度受生魂

遷神超北府

飛鳥上南宮

符命通冥漠

靈旛揚曉風

衆和

靈旛飄蕩本無風

風動旛飛恍惚中

旛本無風魂自赴

魂隨旛引上南宮

參來始覺從前妄
悟去方知徹底空
要識靈旂端的處
靈旂便是主人公
北斗回標夜氣昏
華旂三舉召幽魂

四生六道承玄澤
勃勃從珠八妙門

主召

志心召請盡十方世界天人道
人倫道魔靈道地獄道餓鬼
道畜生道二十四門苦爽三

十六類傷亡惟願各離所處
之域速臨無礙之鄉此夜今
時來臨法會

志心召請盡十方世界忠臣義
士報國捐軀戰陣殺傷強徒
賊盜達商近賈客死宦亡王

法誅夷雷霆震馘虎狼吞啖
水火焚漂古往今來英靈苦
爽惟願承三寶力仗秘密言
此夜今時來臨法會
志心召請盡十方世界僧尼道
者女冠巫醫三教九流百工

技藝窮居遷化邪道傷侵瘟
疫傷亡饑寒流蕩投河落井
溺水沉舟自縊自刎自毒自
戕登高墜地中毒傷亡避法
逃形逢兇被殺懷孕墮胎產
死女魂傳屍癆瘵十相不完

一切沉魂滯魄惟願仗慈風
而蕩滌賴三寶以提携此夜
今時來臨法會

志心召請當齋正薦某一位正
魂惟願早登仙界速往人天
此夜今時來臨法會

志心召請雋姪門中因齋附薦
億曾高祖歷劫衆親師資賢
友一切先靈惟願出離苦海
速返正途此夜今時來臨法
會

志心召請廟廊卿相郡邑官僚

忠良銘刻於胸中生死悉歸
於筆下金魚袋銀魚袋總是
浮漚紫羅袍綠羅袍終歸塵
土君不聞

一封朝奏九重天夕貶朝陽
路八千知汝遠來應有意好

收吾骨瘴江邊此夜今時來
臨法會

志心召請安邦良將鎮國功臣
握旗揮萬甲之兵佩印鎮三
邊之地坐幃幄臥幃幄密運
機籌監干戈倒干戈屢出奇

計君不聞

暑往寒來春復秋
夕陽西下水東流
將軍戰馬今何在
野草閑花滿地愁
此夜今時來

臨法會

志召請文章秀士
騎射英材

槐花忙踏而塵戰棘圍桺葉
巧穿而爭趨薇省胷萬卷腹
萬卷筆下有神文三場武三
場屢舉不第君不聞
南斗微茫北斗橫猶聞窓下
讀書聲幽魂萬里勿歸去辜

負洛陽花滿城此夜今時來
臨法會

志心召請東齋儒士西塾嘉賓
飽讀萬卷詩書廣教三千徒
衆也無韁也無鎖終日書窓
名不牙利不干半生清客

君不聞

自入書齋未幾秋等閑白了
少年頭何時得遂青雲志洗
盡胸中萬斛愁比夜今時來
臨法會

志心召請叢林衲子古剎高僧

每日擊磬看經半世焚香禮
佛有爲法無爲法所以者何
過去心未來心皆不可得

君不聞

飛錫東來海內遊何期曦馭
急如流長空月朗禪機寂生

滅還同水上漚此夜今時來
臨法會

志心召請琳宮羽士洞府仙官
身披鶴氅蹁躑頭頂星冠瀟
灑道之高德之重號令雷霆
法之靈咒之妙感召風雨

君不聞

脫却塵軀凌紫氛
回看榮辱總浮雲
桑田滄海頻經變
今日方知我道真
此夜今時來
臨法會

志心召請醫家名士藥局高人

神針法炎比盧醫妙藥奇方
如扁鵲知內傷識外感診脉
如神損有餘補不足用方有
効君不聞

家傳三世活人多曾授高人
內外科囊有奇方千萬帙臨

終難療自沉痾此夜今時來
臨法會

志心召請推星術士筮卜先生
運陰陽於掌握之中羅星斗
於衿懷之內講八字推五星
吉凶有準灼靈龜卜周易禍

福無差君不聞

吉凶事理最難筮禍福無門
自召之但與他人判生死無
常難教自家知此夜今時來
臨法會

志心召請五湖釣叟四海漁人

一葉舟橫楊柳溪數竿絲放
萍花渚歌滄浪濯滄浪皆其
自得輕王侯傲王侯不爲世
用君不聞

半世經營波浪中夜隨明月
日隨風一竿未盡漁家樂湖

水蒼茫浸碧空此夜今時來
臨法會

志心召請雲林野叟岩谷樵夫

終朝伐木斧丁丁每日尋薪
行咄咄出山來入山去常逢
麋鹿躡雲歸穿雲往不遇神

仙君不聞

煙霞出沒幾春秋
踏破芒鞋志未酬
夢入南柯蹤蹟杳
此身疑爲白雲留
此夜今時來

臨法會

志心召請東嶽農父南畝田夫

平生耕植是貽謀春雨一犁
農事足朝出作暮入息帝力
何千秋則收冬則藏禾稼蕃
熟君不聞
晝出耕耘夜績麻村庄兒女
各當家老翁八十猶耕耨一

且無常事可嗟此夜今時來
臨法會

心召請飯牛稚子牧犢兒童
平原一望草芊芊野度無人
雲漠漠笛無腔歌無調口弄
清風袞袞覆體飯充腸穩眠夜

月君不聞

終朝跨犢傍溪頭臥月眠雲
得幾秋草舍一從魂夢斷至
今笛韻尚悠悠此夜今時來
臨法會

志心召請行船客旅陸道經商

行行爲利與謀財步步登途
而自苦身萬里家萬里夢回
故鄉風半窓月半窓孤眠旅
館君不聞

經營苦負度平生戴月披星
四海行歸夢不知湘水濶夜

來還到洛陽城此夜今時來
臨法會

志心召請奮身武士效力良兵
面不失色而力不衰手執鎗
力而戰未已出營寨入營寨
貪望功名喜戰場怕戰場那

知生死君不聞

風雨淒淒寒食天家家祭掃
各紛然獨憐少婦江邊哭遙
望沙場化紙錢此夜今時來
臨法會

志心召請秦樓舞女楚館歌姬

鶯聲啞啞笙簧奏翠袖飄飄
檀板敲朝倚笑暮倚笑好景
難留濃梳粧淡梳粧朱顏易
改君不聞

秋水爲眸玉作肌芙蓉如面
柳如眉應憐未入高堂夢先

向黃沙枕污泥此夜今時來
臨法會

王白

汝等衆魂既聞召請普願來臨
向以幻身濁穢致風寒暑濕
之相攻色性顛迷遂蠱癩癰

癆之爲虐形體既失疾病何
知蓋由未脫苦輪常縈病體
仗靈丹而救苦憑妙劑以全
功請焚信香奉請

天醫六職官吏治病五氣靈童
降中黃一炁之丹療久病沉

疴之疾用憑道力再返真元
隨症調和悉祈全愈

五帝全形天尊

玄元始炁 孕育三才

胚胎肇始 三景回旋

陰陽蘊秀 凝結胎元

形容世壞
五臟六腑
百關九竅
魂消氣散
隨魂帶疾
天醫尚藥

積業無邊
結塞三田
累滯成愆
魄繫九泉
永脫無緣
拯救痾纏

首斷爲續 筋斷爲聯
蠱癩爲剥 水腹爲寬
胎留不下 孕育發生
拳攣伸縮 喑啞能言
手足不具 俱得完全
盲聾視聽 顛狂復完

饑餓充食

沉疴頓損

風癆凍絕

咸得醫全

魂戶關閉

魄門煉仙

大聖三界醫王大天尊

主白

汝等衆魂既已病安疾愈得返

原形向因火滯陰司尚恐愁
煩未釋滿膈熱惱難謁高真
本壇述一小詞衆魂少開積
悶昔

南華真人遨遊楚國見一骷髏
囂然仰臥遂作嘆詞一首大

舉述而歌之

舉和

昨日荒郊去玩遊忽覩一副白
骨骷髏囂然無語臥荒坵冷
秋秋風吹敗葉滿徑堆愁骷
髏骷髏四體推殘無個人收

雨打風篩經幾秋恨悠悠不
聞人語惟聽溪流骷髏骷髏
脊屬無音恩愛全休想是生
前總欠修廣愆尤光陰迅速
頃刻難留骷髏骷髏半世行
藏恍似浮漚富貴功名怎到

頭枉營謀金珠萬斛難續咽
喉奉勸人生急早修莫優游
早求解脫同赴瀛洲

主白

大衆歌罷嘆詞幽魂愁懷頓釋
各生歡喜靜聽良言蓋聞乾

坤宇宙之間六合四洲之內
守疆護界之將軍定國安邦
之輔弼並及士農工賈牧犢
耕樵三教九流四生六道或
因正寢或爲傷亡三魂七魄
無主無依四時八節誰愜誰

採鉄圍山内冥冷冷饑渴難
禁無間獄中黑沉沉受苦不
盡千般苦惱非法凌剝萬種
淒涼無端解鋸羅酆地獄之
中病懨懨之瘦鬼火翳油鍋
之内翻滾滾之鏊湯鉄狗張

威人人喪胆銅蛇露舌個個
亡魂羅刹夜叉持刀弄棒牛
頭馬面執戟揮戈火鑿山燒
天燎地刀劒嶺刺骨穿心滑
油山寸步難行寒冰獄斤時
莫忍悲聲盈耳哀韻難聞只

因生煎肆惡縱性妄行不敬
天地不信神明不忠君王不
孝雙親妄殺充腸奢穿過分
黑心欺騙惡口背倫打公罵
婆凌奴恨婢爲官貪酷作吏
刁奸唆弄是非拋散五穀已

上種種罪過皆由自昧心田
一生縱性妄行不肯回心向
善報應一到罪惡難逃所以
死受陰制難以超昇今憑
太上之洪恩脫汝衆魂之苦趣
移文酆都大放冥關只見飽

死鬼餓死鬼成群成隊熱傷
鬼冷傷鬼相靠相捱有頭鬼
無頭鬼長長短短酒傷鬼色
傷鬼徃徃來來胎前鬼產後
鬼蓬頭跣足投河鬼落井鬼
赤體露骸犯法鬼遭形鬼披

枷帶鎖服毒鬼懸樑鬼聲韻
悲哀有錢鬼無鬼錢相爭相
鬧兇惡鬼強梁鬼專逞刁歪
邪淫鬼煙花鬼總承攝召顛
痴鬼精靈鬼一槩齊來既已
齊集壇前自當至誠肅靜飯

叩

十方救苦天尊得覩仙顏能令
汝等萬罪永消冤讐和釋各
生天界永脫沉淪魂聖精虔
志心瞻仰

衆和

黃籙齋筵靈妙功
能超沉滯出羅鄴
青城獲罪張姬殞
石室通玄秦若冲
風起白楊哀懺悔
魂生翠竹訴幽衷

蒙師九轉生神頌
開卷隨超上九重
人生一片貪嗔痴
不悟終然成苦海
皈叩大慈方便教
回頭有岸是慈航

無量業海總茫茫
萬劫浮沉實可傷
此日得沾慈慧力
回心一念即天堂

主白

六

東方玉寶皇上天尊幽魂等衆

各生恭敬瞻仰天尊妙相能
令汝等塵勞業火悉皆消滅



玉寶皇上尊重
風雷地獄拔薦靈
魂唵哺嚕嚩嗒
大羅耶嚩呬救



苦尊十方靈寶救
苦天尊

南方玄真萬福天尊幽魂等衆
各生恭敬瞻仰天尊妙相能
令汝等永離惡道自在逍遙
玄真萬福尊重





西方太妙至極天尊幽魂等眾

火翳地獄拔薦靈
覓唵哺嚕嚩嚩
大羅耶嘆吒唎救
苦尊十方靈寶救
苦天尊

各生恭敬瞻仰天尊妙相能
令汝等枯焦熱惱盡化清涼



太妙至極尊重

金剛地獄拔薦靈

魂唵哺嚕嚩嚩

大羅耶嚩呬救



苦尊十方靈寶救
苦天尊

北方玄上玉宸天尊幽魂等眾
各生恭敬瞻仰天尊妙相能
令汝等陰霾濁穢盡變陽和



玄上玉宸尊重

東北方度仙



冥冷地獄拔薦靈
魂唵哺嚕嚩嚧
大羅耶嘆吒唎救
苦尊十方靈寶救
苦天尊

上聖天尊幽魂等

舉各生恭敬瞻仰天尊妙相能
令汝等五體具足十相端嚴



度仙上聖尊重
鑊湯地獄拔薦靈
魂唵哺嚩嚩嚩
大羅耶嘆呬唎救



苦尊十方靈寶救
苦天尊



東南方好生度命天尊幽魂等
衆各生恭敬瞻仰天尊妙相能
令汝等超生仙界飛步南宮
好生度命尊重

西南方太靈


虛皇天尊幽魂等
苦天尊
苦尊十方靈寶救
大羅耶嘆吒唎救
魂唵喃嚩嚩嚩
銅柱地獄拔薦靈



衆各生恭敬瞻仰天尊妙相能
令汝等神通變化自在逍遙



太靈虛皇尊重
屠割地獄拔薦靈
魂唵哺嚩嚩嚩
大羅耶嚩呬救



苦尊十方靈寶救
苦天尊

西北方無量太華天尊幽魂等
衆各生恭敬瞻仰天尊妙相能

令汝等心通妙理果證上乘

無量太華尊重





上方玉虛明皇天尊幽魂等衆

火車地獄拔薦靈
魂唵哺嚩嚩嚩
大羅耶嚩呬救
苦尊十方靈寶救
苦天尊

各生恭敬瞻仰天尊妙相能
令汝等字登白簡名列青篇

玉虛明皇尊重

普掠地獄拔薦靈

魂唵哺嚩嚩嚩

大羅耶嚩呬救





苦尊十方靈寶救
苦天尊

下方眞皇洞神天尊幽魂等衆
各生恭敬瞻仰天尊妙相能
令汝等證無上道永劫長存



眞皇洞神尊重



向來皈叩十方懺悔已悉汝等

無間地獄拔薦靈
魂唵哺嚩嚩嚩
大羅耶嘆吒唎救
苦尊十方靈寶救
苦天尊

幽魂男魂列於台左女魂列
於台右拱聽本壇宣付十傷
符命解釋汝等生前業障幽
府災殃各得生方永無執對
伏以生生化化常縈執對之思
蠢蠢迷迷孰悟和同之理一

熒忿恨經輪轉而不忘累世
仇讐歷推遷而不釋浩浩剛
強之氣孜孜競閏之心有體
可行無形可爾當悟夢花俱
幻須知露電皆空倘能知覺
以自新便可升真而達道須

憑符誥解釋冤愆法衆慈悲
稱揚聖號

都舉

解冤釋結天尊

主白

體膚受之父母豈可毀傷閉狠

觸於斧斤遂致亡歿既失保
身之計豈妨召禍之端念念
不忘冤冤相對以今請降符
車解釋殺傷冤對其離苦趣
各證生方法衆慈悲志心宣
告

自經溝瀆聖人以爲匹夫短折
天年洪範所云六極不勝一
言之忿空懷沒世之悲念念
不忘冤冤相對以今請降符
章解釋自縊冤對其離苦趣
各證生方法衆慈悲志心宣

告

水曰逝川值覆舟而陷溺人經
遠道遭暴客以沉淪或禍患
以臨身或憂惶而赴壑念念
不忘冤冤相對以今請降符
章解釋溺水冤對共離苦趣

各證生方法衆慈悲志心宣
告

五金八石本爲治病之方六脉
三因悞落庸醫之手或飲食
而中毒皆仇讐之設心念念
不忘冤冤相對以今請降符

革解釋藥死冤對共離苦趣
各證生方法衆慈悲志心宜
告

陰陽配合結生氣以成形冤債
相逢迫死期於坐草慾海總
成春夢血湖最慘寒波子母

相縈冤仇不捨以今請降符
章解釋產死冤對其離苦趣
各證生方法衆慈悲志心宣
告

積善餘子孫之慶豈聞癆瘵之
傳失德重前人之愆故有伏

連之厄冥司苦於逮役陽世
絕於命門鬼氣常存飛尸不
斷念念不忘冤冤相對以今
請降符章解釋伏連冤對共
離苦趣各證生方法眾慈悲
志心宣告

安墳卜兆犯風水之星方伐木
鋤山動宗祖之禁地愬訟陰
官之府懲呼陽世之人不能
考終致多夭折以今請降符
章解釋塚訟冤對共離苦趣
各證生方法罕慈悲志心宣

告

縲紲之中非其罪忍氣吞聲刀
筆之吏私其財舉枉錯直欲
申明而無路遂淹繫以云亡
念念不忘冤冤相對以今請
降符章解釋獄死冤對共離

苦趣各證生方法衆慈悲志
心宜告

性味皈真致妖邪之尅害心多
妄想受精魅之憑凌既未盡
於天年何相趨於鬼道含冤
不已皈正無門念念不忘冤

冤相對以今請降符章解釋
邪妖冤對共離苦趣各證生
方法眾慈悲志心宣告

積憤成冤實戴天之不共爽盟
負德誠切已之難忘縱幸免
於人間必縈纏於地下念念

不忘冤冤相對以今請降符
章解釋積生冤對共離苦趣
各證生方法衆慈悲志心宜
告

元始符命解釋冤愆一切罪對
一切沉冤隨符所化火獄成

連悲忿平靜執對不纏赤書
丹篆普濟生天

王舉

解冤釋結天尊

王白

冤仇既釋水消業累之緣饑餒

未充火熾枵虛之腹嚥吸太
和之氣清涼甘露之漿顆粒
遍河沙均被山川之殫餽勺
水爲溟渤普滋草木之枯骸
平等廣施有情皆足加持法
食同爲宣揚



化

含

劍決書盅内存想天上
月光中神水降下吸入



日中候華池水滿混合
吐入水中剔水洒法食上

悲夫長夜苦

熱惱三途中

猛火出咽喉

常生饑渴念

一洒甘露漿

熱惱得清涼

神魂生大羅

潤及於一切

二洒甘露漿

五臟悉和彰

咽喉久閉冷

得達悟真常

三酒甘露漿

濯體鍊真光

主白

謹請

南方赤帝

北方黑帝變食神王變食神吏

將此法食隨吾所化以一變
十十變百百變千千變萬萬
變恒河沙數有餘有剩悉令
豐盈

太上神光九變十方上乘大羅
下拯泉鄉無窮法食甘露難

量變化千億上朝


玉皇

太上

法食變少成多粒食如山滴
水成河衆魂飽食永不沉疴
承此薦拔娑訶



雷震雷



常樂天宮不夜春
普施甘露濟群生
頓息塵埃歸正道
法衆調誦五厨經

衆和

一炷和太和
得一道皆泰

和乃無一和
不以意思意
意而無有思
莫將心緣心
心在莫存心
修理志離志

立理通立際
亦不求無思
是法如是持
還莫住絕緣
真則守真淵
積修不符離

志而不修志

已業無已知

諸食炁結炁

非諸久定結

炁歸諸本炁

隨取當隨洩

奉請

東王公

西王母

太乙慈尊降甘露



三天無量食充滿
法界中濟汝饑渴
者清靜無色聲饑
虛生飽滿熱惱得
清涼一切饑渴者
同登極樂界

唵三摩三摩三摩帝摩帝摩帝三摩帝

雷摩帝帝敕帝

無極三天敕三天無量食

稽首玉宸君虛皇大教主

口誦女青書奉命來召汝

功德不思議神功妙化機

廣濟此幽靈
奉白鬼神眾
一粒遍十方

同霑甘露味
吾今賜汝供
河沙鬼神共

眾誦

太乙救苦天尊

九遍

主白

伏以靈書玉字梵光流散於河
沙金飯寶漿真炁普薰於法
界若老幼傷殘之衆和貴賤
沉滯之魂咸得充盈普令均
足既已餐於雲供當伺煉於
南丹翹首凝神聽吟聖誥

聖和

三

東極宮中救苦慈尊十方化號
爲救苦百億光中顯慈容弘
誓願力深幽陽界超出苦衆
生盡離幽暗泉曲府永緒長
生免沉淪得入天堂中魂自

在徑往朱陵宮三代宗親承
攝召一脉先靈早起昇普度
亡過靈魂生仙界太乙救苦
尊惟願今宵來赴會引魂靈
往上上往南宮

玉台

一天佳氣彌星斗
萬象輝騰映五湖
夜靜景寧人語寂
弘施慧力薦諸孤

衆和

修設齋筵仰奉慈悲主乞賜立
恩拯濟簪纓鬼錦繡文章早
奮冲霄志獨占鰲頭顯祖榮
妻子祿盡身亡也作孤魂鬼
嘆爾生前跳出龍門去陽受
皇恩陰赴青華會

修設齋筵仰奉慈悲主乞賜玄
恩拯濟邊江鬼披甲麾兵火
砲連天地戰敗城推車馬迹
無避十萬貔貅半死沙場內
水達山長骨暴無人祭此夜
今時來受甘露味

修設齋筵仰奉慈悲王乞賜玄
恩拯濟詞林鬼勤讀詩書聖
賢時相對研就韜鈴寒暑全
無避鉄硯磨穿白了頭難悔
費盡心神誰料無常至此夜
今時來赴青華會

修設齋筵仰奉慈悲王乞賜玄
恩拯濟清寒鬼靜掩芸窓細
講書中義弟子慇懃朝暮遵
師訓賓主諧歡克盡東西美
坐破寒毡難免無常至此夜
今時來赴青華會

修談齋筵仰奉慈悲王乞賜玄
恩拯濟空門鬼削髮披緇
脫塵埃去禮佛參禪釋典潛
心記打坐蒲團晝夜清無寐
悟透禪機圓寂西方去陽世
爲僧陰赴青華會

修設齋筵仰奉慈悲主乞賜立
恩拯濟黃冠侶學道傳經教
演無爲義樂奏鈞天召遣天
兵吏咒柬書符禱雪祈晴雨
脫下凡胎羽化昇仙去惟願
今宵同贊青華會

修設齋筵仰奉慈悲主乞賜玄
恩拯濟良醫鬼業受軒岐藥
按君臣味素問靈樞熟讀精
思義望聞問切能斷人生死
救盡年衰自巳終難治此夜
承恩來赴青華會

修設齋筵仰奉慈悲王乞賜玄
恩拯濟九流鬼排演星辰司
術傳王詡卜易神書郭璞親
抄記禍福灾祥决斷無差異
遶遍江湖一旦無常至此夜
承恩來赴青華會

修設齋筵仰奉慈悲王乞賜立
恩拯濟漁家鬼世住河村釣
網爲生計覓得魚來沽酒將
沉醉歌送斜陽一棹何須繫
風月無邊誰覺無常至此夜
承恩來赴青華會

修設齋筵仰奉慈悲王乞賜玄
恩拯濟樵家鬼伐木爲生每
日深山太白鶴黃猿總是忘
機侶負木擔薪勞倦原無悔
歲月蹉跎豈有神仙遇此夜
承恩來赴青華會

修設齋筵仰奉慈悲王乞賜立
恩拯濟農家鬼遠屋膏腴總
是桑麻地春雨來滋禾黍油
然起戴笠披簑荷蓀斜陽裡
鼓腹高歌終老辭塵世此夜
承恩來赴青華會

修設齋筵仰奉慈悲主乞賜玄
恩拯濟軍兵鬼兩陣交鋒號
砲連天地鼓振三軍忠憤橫
胸臆擲戟揮戈殺氣漫天地
血染征袍委棄沙場裡此夜
承恩來赴青華會

修設齋筵仰奉慈悲主乞賜立
恩拯濟沉淪鬼枉死城中颯
颯悲風起怨鬼愁魂血淚揮
紅雨垢面蓬頭難辨男和女
總爲羈留解脫因無計此夜
承恩來赴青華會

修設齋筵仰奉慈悲王乞賜立
恩拯濟饑寒鬼年歲荒久
旱天無雨田圃枯焦五穀難
收粒雨水浸淫種植成何濟
糧盡難捱一夢南柯矣此夜
承恩來赴青華會

修設齋筵仰奉慈悲主乞賜立
恩拯濟寒傷鬼凜烈寒風瑞
雪紛紛起出路行人被體無
衣絮路阻琼瑶遍野鵝毛積
手足殭疼凍倒寒氷地此夜
承恩來赴青華會

修設齋筵仰奉慈悲王乞賜玄
恩拯濟炎傷鬼暑氣薰蒸道
路難行立綠樹陰遙何處將
憇息煩渴難禁遠望梅林泣
涸轍枯焦怎待西江水此夜
承恩來赴青華會

修設齋筵仰奉慈悲王乞賜玄
恩拯濟痴情鬼戀酒貪花盡
日多沉醉一擲千金不惜纏
頭貴費盡家園狗盜鷄鳴去
死後思量方抱痴情鬼此夜
承恩來赴青華會

修設齋筵仰奉慈悲王乞賜玄
恩拯濟疲癯鬼疥癩癰疽蟲
隔癰癆疾暑熱風寒喜怒憂
思逼產後胎前瘟瘧時行利
神藥無功魂被陰司繫此夜
承恩來赴青華會

修設齋筵仰奉慈悲主乞賜立
恩拯濟兜殘鬼不學賢良劫
掠爲生計害命圖財豈怕傷
天理國法無私拘繫囹圄內
按律填償刀劍分身體此夜
承恩來赴青華會

修設齋筵仰奉慈悲王乞賜立
恩拯濟傷亡鬼虎咬蛇傷雷
震兼焚溺服毒官刑自刎懸
樑縊失跌翻崖屋塌刀鋒劈
無計超昇仰仗慈尊力此夜
承恩來赴青華會

修設齋筵仰奉慈悲主乞賜立
恩拯濟翻江鬼江海遨遊激
浪風濤起棹折桅傾漂泊洪
波裡財命皆空音信憑誰寄
抱恨泉鄉每對西風泣此夜
承恩來赴青華會

主持 糴食

衆念

汝等天人衆吾今施汝供

四四



天人
人倫
魔靈





畜生
地獄
餓鬼



一粒散十方河沙鬼神共

王白

慈尊法力廣無邊

甘露神饒遍大千
普施孤魂今已足
早承煉度上丹天

主舉

度人無量天尊

王請



焚香虔誠上啟南昌朱陵大帝
主煉九華真人南上司命司
祿延壽益算度厄等神回骸
起死無量度人真君監生大
神衛房聖姥元君九煉真仙
九天真宰冰池火沼使者南

昌煉度威靈臣聞水潤下火
炎上普天咸賴於甄鎔陰鑄
魄陽陶魂萬類悉希於埏植
炎炎杲杲煥然天地之爐浩
浩洋洋潤矣川源之澤久滯
者明離輝而煉質靡弱者習

坎水以度魂證品三元遷神
十極必使幽囚之衆皆成仙
化之功升入太虛普登冲漠
仰希真應俯格殊勲

水火煉形天尊

焚香謹請東井黃華君石景

水母君燥煉真人水池使者
浣濯夫人引領衆魂登水池
濯煉

清水度魂天尊

王白

泓池無鏡神龍之淵運東華井

以滌幽魂覽茲運容太和之
津立和玉女灌之於神神魂
澄正道氣常存
大聖靈寶度人大天尊

主白

北方之君黑帝之靈宸星使者

壬癸將軍玄武陰神肅肅清
音五行造化萬物發生天帝
有敕使者須聽召攝幽魂濯
煉真形

大聖北方水帝大天尊

水火煉形天尊

主白

焚香謹請朱陵大神炎光童子
火鍊真人火沼使者煉尸大
神丹天左衛大將軍引領
衆魂登火沼冶煉

火煉丹界天尊

主白

南閻洞浮流火之庭玉眸詵詵
流火之膏刀利禪猷婆尼靈
童流火之質玉眸真容升入
福堂洞陽之宮

大聖靈寶度人大天尊

主白

南方之君赤帝之精熒惑使者
丙丁將軍朱雀炎神赫赫陽
精五行造化萬類發生天帝
有敕使者須聽攝召幽魂煉

度真形

大聖南方火帝大天尊

焚香虔誠上啟

三天三寶上帝九天天生神帝君
臣聞炁總三元生三三而不
極陶鎔萬類閱萬萬而無遺

隱空洞以難名結飛立而有
象臣今恭修妙道虔運真科
體二儀育物之仁法九炁生
成之道與層霄而垂蔭俾群
爽以超昇謹請帝真胞胎魂
魄臟靈元華九重之炁將爲

衆魂纏具一身使根源本始
一時生神九天玉童同聲諷
詠
九炁生神天尊

衆和

爵卑凝靈

禪善保命

梵監凝炁
寂然安臟
化應流景
無結無愛
陰陽會神
二炁交映

驕樂會真
梵寶生津
萬虛耀神
列名帝篇
三萬六千
內保三田

克登聖品

與劫同年

流雲玉輶

來待帝軒

策龍駕景

高昇九天

大聖生神九炁大天尊

主白

切以陽魂陰魄陶鎔長養之功

坎滿離虛混合生成之妙今
則濯質明池煉形流火多生
業垢隨法雨以澄清五濁穢
軀假直風而蕩滌簇三華於
絳室攢五炁於黃房召無英
白元之神聚桃康合延之質

合和四大升降陰陽更憑交
煉之功克證端嚴之相
陰陽交煉天尊

主白

天一生水地二生火水火交煉
煉度亡魂天一生水地二生

火水火鍊度變煉有形天一
生水地二生火水火交鍊自
然成真真中有神混合通靈
仙化成形天尊

舉和

玉京萬法大羅天

咒

千重寶範億立言
碧霞絳雲列眾道
玉闕金閣敷真文
晏定高明遊至空
飛神八極度無邊
鬱鬱昭昭萬炁冲

吐聲如嬰氣成雲
振動萬天皆空道
靜明法耀惟慈雲
超閻昏衢北羅鄴
列上金簡還靈明
炎炎火池咸清涼

解及挫鋒悉推紛
豁落業鏡空法力
保召罪性來吾壇
天尊聖智本無際
萬天萬地承真元
莫有不從不化度

超凌三界佐虛元
隨心所願願心歸
仙信凡信如甘泉
一聞百骨解熱惱
朱陵開度成至玄
臣聞大道廣慈悲

不擇巨細惟翩躚
華夏玲令引靈魂
逍遙獨步紫虛天
宜行祭煉並已周圓
妙相莊嚴
真神澄潔將返生
於人道俟
進品於仙階
須當皈命

二尊授持大戒人間天上用作
津梁幽府陰曹永無拘繫嚴
持靜念奉戒皈依

第一皈依無上道寶虛無之本

天地之根應化無方湛然冲
寂隨心有感應念聖慈澤被

幽冥惠周品彙若非大道何
以生成是故首當皈依道寶

聖和

稽首皈依真常道立恩立恩溥
造大周沙界細鴻毛咸賴鎔
陶懸黍米駕法橋接引塵囂

放慈光施慧力拔度幽牢志
心一念皈依道從今不墮冥
曹

第二皈依無上經寶九光八會

龍漢開圖四輔三乘赤明闡
化靈風集粹寶錄凝華保劫

長存永安國祚若非經寶何
以通神是以次當皈依經寶

衆和

稽首皈依大乘經立與立與非
輕龍章鳳篆理分明功德難
評宣妙典演真詮早度迷津

歆金函開玉軸接引幽靈志
心一念皈依經從今不墮幽
冥

第三皈依無上師寶人天仰賴
生死津梁道既立微功亦崇
重分形應化開度愚迷演法

流科留名後世若非師匠何
以度人是以終當皈依師寶

衆和

稽首皈依大法師妙理妙理希
夷弘施浩力度群迷運用難
親貫塵沙彌六合粒粟綱維

洞立虛演清靜萬法咸歸志
心一念皈依師從今早悟真
如
三寶既皈已脩窮源之學大戒
空受克全金錄之功汝等幽
魂咸皆稽首

第一戒者初真戒敬讓孝順父母將來托生人中得端嚴福壽之果惟願幽靈受持切記

第二戒者念真戒克勤忠於君王將來托生人中得祿位顯達之果惟願幽靈受持切記

第三者戒持真戒不殺慈救衆
生將來托生人中得善道崇
壽之果惟願幽靈受持切記

第四戒者守真戒不淫正身取
物將來托生人中得吉慶安
榮之果惟願幽靈受持切記

第五戒者保真戒不盜推義損

已將來托生人中得清靜善

道之果

惟願幽靈受持切記

第六戒者修真戒不瞋凶怒凌

人將來托生人中得安榮智

慧之果

惟願幽靈受持切記

第七戒者成真戒不詐陷害良
善將來托生人中得十相端
嚴之果惟願幽靈受持切記
第八戒者得真戒不驕傲慢至
真將來托生人中得大道至
真之果惟願幽靈受持切記

第九戒者登真戒不二奉戒專

一將來托生人中得天人飯

向之果

惟願幽靈受持切記

已上大戒乃九天帝尊金口宣

演佩奉者昇入九天輕慢者

墮入九地今對孤魂依科傳

授永宜切記終始無忘再有

金籙文憑一一宜付

宜牒

切聞太極玉文燦爛十方之界

立都寶籙昭明九地之間以

智燭於洞明以慧心之開悟

下通九壤上徹重霄能聞解

以知覺遂昇騰而有自永離
惡趣頡返正途更憑寶籙之
宜揚回骸起死密賴丹陽之
煉度返魄還魂當列字於三
天異標名於十極男乘白鶴
女跨青鸞逍遙不夜之天洒

落清虛之境。奏神丹。闕飛步。
南宮法衆慈悲。饒音奉送。
伏以酌水獻花。格群真而降鑒。
投誠皈命。荷列聖以光臨。向
來修葺事畢。煉度周隆。今者
香殘蘭篆。烟散碧霄。月淡河

澄望霓旌之欲返參橫斗轉
瞻雲佩之將還遙望天階
恭伸拜送

翠和

爐烟馥郁送聖還宮溥垂惠澤
滿寰中幽顯沐恩隆大闡玄

風恩留四海豐

瑤壇闡事已周圓

法侶聲聲讚洞玄

三界至尊頒玉詔

五方童子捧金蓮

幢旛引詣朱陵府

鸞鶴迎歸碧落天
奉送雲程回御輦
福留後裔永綿綿

濟煉全科終

山月

同治元年歲次壬戌孟冬月

立

住持黃宗性募化敬刊
羊城粵秀山三元宮藏

